


С(Калм)2
Ж-415
-316440-



ЖИМБИН АНДРЕЙ

ЖИРҲЛИН АЙС

ЖИМБИН АНДРЕЙ

С(Кам)2

мг-445

ЖИРЬЛИН АЙС

ШҮЛГҮД БОЛН ПОЭМС

ХАЛЬМГ ДЕГТР БАРЬАЧ

ЭЛСТ 1975

Б А Р Ц

I.

Хальмг нутгм Эрэсэд хөвтө	4
Ода хавр мел талдан	5
Гурвн Чегем	7
Хаврин «уршг»	10
Зул цецгэ	12
— Керго! — гиж келхв	14
Тэв орсн Танд	16
Насн	19
Делкэд мөңк	22
Хойр нарн	23
«Үзсн тоотан тодлж...»	25
«Хаалһдан генткн эндүрэд...»	25
«Эңкр үүрчнь кемр...»	25
«Эвд өшэтн кемр...»	26
«Сэнч» гиж чирэдчн келлһн...»	26
«Богшурһа бичкн — негн цөгц...»	26
«Ор һанцар көдлсн күүнд...»	27
М...д	28

Д...д	29
Пушкин, менд!	30
Бийэсм сурсн болв	37
Энүнэ заңнь (шог)	39
«Теегт кевтсн цасн деер...»	41
Хунын дурн (поэм)	43

II.

Залус, эс гиж зурхан мөр шүлг	56
Элстин уульнцар йовнав	62
Келсн күүкднь	66
Уласн	68
Үүрм, иньгм, мини окопм	71
«Дөч һар жил хооран...»	77
Киштө (поэм)	79

ҮҮРМ, ИНЬГМ, МИНИ ОКОПМ.

Декабрин чилгч. Яшкулин тег.
Дуладхин тускар ухалхм биш.
Киитн салькн, цаста сөг
Күүнэ цогцин таал биш.
Беерэд, царцад, гем авх
Бийән мел тиигж алх...

Урһа негхн модн үзгднэ,
Унг күртлән көрснь медгднэ.
Ухата эзн нохаһан мел
Уульнцд чигн һарһшгонь ил.

Зовлңгнь чилэд уга салдс
Зудын хорнд энд теснэ.
Кен яһж энүг харсхв,
Киит номһрулдг сәкүс олхв?!

Күүнд харслт болв бәәнэ —
Күрз терүнэ бүст өлгөтә.
Терүгәрн адһж малтсн окопм —
Төрскн ахм, һарһсн эцкм.
Тегэд чигн эн саамд
Төмр хуһрм киитнд тесхм...

Ахр цагин тагчг
Аш сүүлднь төгсв.
Цуста үклин илгәсн
Цур сохр элчнр,

Киитйг чигн алх
Күчтэ хар чидлмүд —
Халун нигт сумд
Хур метэр асхрв.

Догшин киитнэ тускар
Дэкж ю келхв?
Асхржах сумар болхла
Аһарин киитн юмбе?!

Болв эврәннь окоптан
Би үннэс нээлнэв.
Зуг киитнэсчн биш,
Зуурдын үклэс бас
Дээчиг икнkdэн харсх —
Дегд ик даалһврта.

Ицлэр болн итклэр
Иргчдэн живр кесн
Зөрмг мини окоп
Зүн тоха дорм
Дерлх дер метэр,
Дерндгэн нанд делгнэ.

Окопарн харсулсн би
Ода ээмшгэс гетлнэв.
Болв өшрсн зүркн
Болд болж хатурсар

Баһ насни цогцан
Босхад авад ирнэ.

Саг угаһар өндөсн
Салдсин деер дэки
Хорһлжн нигтэр асхрна,
Харслт шинэс хээлһнэ.

Баахн зуурчн оратхла
Болдчн зүрки эвдрхм,
Үнтэ иньг окопм
Үкэрин тамд хуврхм...

Эн саамла окопин йорал
Эцкин кинэн килмжэр
Тоолвр уга үрэн бийүрн
Татсн болад одв...

Эрүүл үлдсн би
Эндр терүгән санж,
Эн агчмиг яһад
Эс күндлхв тегэд?!

Хойр хонгин дуусн
Хөөнь юн болв?
Ура! хээкрлһн, диилвр!
Уралан зөвэр гүүлһн.
Цаг зууар болвчн,
Цухрж, хэрү һарлһн...

Мини окоп, мартад угач...
Меднэч чи тер цагиг.
Хайж чамаг кедү харлав?!
Хэрү кесг чамур орлав?!
Цөөк биш, кесг дэжж
Цогцан чамар хальчллав?!

Насни баһин уршгар
Невчк геннчн бээсн...
Тиигхдэн салдсин седклэр
Таалдг билэв чамаг.

...Күчр цагас нааран
Кедү жил өнгрв?!
Цергчнрин зерглэн чигн
Цөөрэд одсн билтэл...

Тиигхд, арвн нээмтэ,
Төрүц уйн салдс
Элвг хурняста чирэтэ,
Эртэр цээсн үстэ
Толһаһан эндр чини
Тоомсрин өмн кецэлһнэв.

Мини окоп, зуг чи,
Миңһэд товин утанд
Хордн, цахн бээж
Хортна һал тослач.

Дээснэ илгэсн үклэс
Дээчин эм харсж
Цэклсн һалд хуухрх,
Цальгрсн хорһлжнд цутхгдсн
Диилгдлһ меддго авъясарн
Дэһн зерглдж үүлдлэч!

Алдр бээр бэрлдэнэ
Адрсн һалын цутхлнд
Төрүнэ түрүн эклцэс
Таслгч диилвр күртлнь
Тесж чадсн тоотын
Темдгтэ негнь чич!!!

Ноолдана, цусна, үклин,
Наадк цуг уршгин
Һашута тоотынь цугтнь
Һанцарн бийдэн даасн,
Мини иньг окоп,
Мел чамур ирхшив.

Буру мел миничн болх,
Болв эндр, Яшкулин тус,
Чини, мини, цугиннь деерк
Чилгр төвкнүн теңгр
Мана седкл амрана,
Менд бөөлһ дурдна.

Үүрм, иньгм, мини окопм,
Уршгта тоотас мел амр.

«Урдк цаг хэрү дэкж
Уульһ эс үзүлдгэр
Чамар харсгдсн би
Цугинь кехв!» — гиж
Дотран оньдинд саннав,
Давтж даңгинд келнэв.

